

CANTICANAN

|||||\*|||||

\*

\*

\*

\*

\*

\*

\*

---

bieu i nobo

---

\*

\*

\*

\*

\*

\*

\*

\*

---

Aruba, juli 1972.

---

1.

Salbador, lo mi siguiBo  
Tur camina cu Bo drai,  
Otro via ta abismo  
Conducimi semper bai.

Refran:

Conducimi semper bai  
Tur camina cu Bo drai,  
Pa mi N' tin mester di cai.

Cuanto mi stimaBo paso  
'Riba serunan i dal;  
Entregando mi, cu gusto,  
Na Bo voluntad real.

Mi n' sa kiko ta sperami,  
Lo mi spant' o hala 'tras  
Bo consuelo lo guiami  
Pa sigur mi yega cas.

Pensamento precioso  
Cu Bo ta mi Guiador,  
I Bo curazon paterno  
Ta dunami Bo amor.

## 2. Santo, Santo, Santo

Santo, Santo, Santo, Creador divino  
Ken lo ta pa semper den tur eternidad;  
Santo, Santo, Santo, Tata poderoso,  
Ta, tabata, lo ta den tur edad.

Santo, Santo, Santo, ta Dios su reino,  
Reino dushi, digno di tur honor, amor;  
Santo, Santo, Santo, Tata piadoso,  
Ken ta uní den Cristo, nos Señor.

Santo, Santo, Santo, Dios amoroso,  
Dios nació den Cristo i Sant' Espiritu;  
Santo, Santo, Santo, Dios den carni puro  
A bin den mundu pa nos salvacion.

Santo, Santo, Santo, nos t' adoraBo  
Tata di amor i gran Fuente di bondad;  
Santo, Santo, Santo, Bo ta tur perfecto,  
Dios di potencia, luz i di berdad!

### 3. O, ki amigo

O, ki Amigo ta nos Cristo!  
E ta kita nos dolor;  
E ta kita nos tristeza,  
E ta duna nos balor;  
Lo E yuda nos pa semper,  
Lo E ta pa semper fiel;  
Lo nos ta cu nE den gloria,  
E ta nos Emmanuel.

Hesu-Cristo ta mi Amigo,  
Mi n' por biba sin Su amor;  
E ta mi Amigo eterno,  
Mi ta Su adorador,  
I mi sa cu mi por haci  
Tur cos pa Su gran poder;  
L'E dunami fortaleza,  
Den Hesus mi tin placer.

Si bo bida ta sin gozo,  
Si bo bida ta sin paz,  
Den Hesus, Refugio eterno,  
Lo bo haya bo solaz;  
E ta conoce bo bida,  
E ta comprendé tur cos;  
E por yena tur anhelo,  
E tin tur poder di Dios.

4. Psalmo 65

Den tempel nos ta alabaBo,  
O Dios, yen di amor;  
Tur hende mester bai buscaBo  
I canta Bo honor;  
Bo tin pordon pa nos picánan  
Ora cu nos tin fe,  
I Bo ta tende oracionnan  
Di tur cu ta kere.

Feliz e hende cu asercá  
I drenta den Bo cas!  
Den desapuntenan di mundu  
Bo ta dun'e solaz;  
E tempestad ta bira keto  
Mes ora cu Bo kier;  
Bo Mahestad i Bo grandeza  
Ta mustra Bo poder.

Bo a duna nos awasero,  
Sí, na gran cantidad!  
Contento ta tur kunukero,  
O Dios, ta Bo bondad!  
Awor sabánanan ta berde,  
Tur cos ta florecé,  
I flor i blachinan ta yama:  
"Ban tur, ban alab'E".

5. E dushi number di Hesus

E dushi number di Hesus  
Ta nos gran gozo, sí;  
Consuelo, paz i Su birtud  
Nos tur ta ricibi!  
Nos curazon ta alegre  
Den Cristo Su amor;  
Nos alma ta p'É mes saná,  
Nos Santo Salvador.

Con dushi nos Amigo ta,  
Esta nos Redentor;  
Ban adora e Yiu stimá,  
Dun' Ele tur honor.

Cristo Hesus divino ta,  
Nos Rey i Salvador.  
Bida eterno ta duna  
Na tur cu ta salvá.

6. Un roca fuerte ta nos Dios

Un Roca fuerte ta nós Dios,  
Den dje nos tin confianza;  
Refugi 'etern'E ta pa nos,  
Nos forza, nos speranza;  
Satan por gaña nos,  
E no por dañá nos,  
Nos no tin mied 'i dje;  
Nos ta keda kere  
Den Crist 'i Su yudanza.

Dios Su Palabra ta berdad,  
Ta keda te eternidad;  
Awor nos tin gran libertad  
Den Cristo, nos Rey di bondad;  
Nos armaúnico:  
Ta Evangelio só;  
Den Cristo nos tin paz,  
E só ta nos solaz  
Hasta den un gran tempestad.

7. Tur mi speranza ta basá

Tur mi speranza ta basá  
Den Cristo mi Señor;  
Tur cosnan bon mi ta deseá  
Fo'i man di mi Salvador;  
Ora cu mi ta tristo  
I ta sintimi anshá,  
Toch meimei di tristeza  
Mi ta confia den Dios.

Coro: Tur mi speranza ta basá  
Den Cristo, mi Señor;  
Tur cosnan bon mi ta deseá  
Fo'i man di mi Salvador.

Su sanger, Su Palabra bon  
Lo semper wanta mi,  
Den tur peligro aki bou  
Cristo, sí, lo warda mi;  
El a bin for di shelu  
Pa E salba nos tur;  
Mi curazon ta queto  
Hasta den tempo scur.



8. Keda 'ki, serca mi in an' ab i .<sup>o</sup>

Salbador, mi ta stima Bo!  
Mas cu bida mes; den Bo!  
Mi ta haya bon consuelo  
Ora mi sintimi so;  
Keda 'ki serca mi,  
Keda 'ki serca mi;  
Ora mi sintimi tristo  
Keda semper serca mi.

Ni riqueza, ni placernan  
Tin balor manera Bo!  
Bo promesanan glorioso  
Ta mi bon speranza so;  
Keda 'ki serca mi,  
Keda 'ki serca mi;  
Bo promesanan glorioso  
Keda semper serca mi.

9. Keda ku mi

Keda cu mi, ta serca nochi scur,  
Solo a drenta, sombra a tapa tur,  
Yudans' i otro ta faltami awor,  
Keda cu mi, Hesus, mi Yudador.

Nos bida, sí, ta caba 'ki lihé,  
Mundu su gozo, sí, ta pertenecé;  
Tur cos a cambia, tur ta disolvé  
Ma Hesu-Cristo semper ta E mes.

Mi kier pa Bo presencia ta cu mi  
P'e tentador no bini impedí;  
Notin un otro pa mi guiador  
P'e mundu di afliccion, Bo só, Señor.

Poder di Dios ta mi yudanza 'wor,  
Mundu su banidad ta sin balor;  
Aki den mundu mi n' por keda mas,  
Shelu ta serca, mi ta bai mi cas.

10. Den braza di mi Salvador

Den braza di mi Salvador  
Lo mi ta consolá;  
Den gran amor di mi Señor  
Sí, mi ta sosegá;  
Ata, tin boz di angel  
Ta bini fo'i den shelu;  
Riba lámá eterno  
Ta zoná nan cancion.

Coro:

Den braza di mi Salvador  
Lo mi ta consolá;  
Den gran amor di mi Señor  
Sí, mi ta sosegá.

Den braza di mi Salvador  
Mi n' tin temornan mas  
Pa mi Hesus ta percurá,  
E ta dunami paz;  
Liber di mi tristeza, liber di dudanan;  
Lo e dunami forza pa wanta pruebanan.

Si nos cas débil djaki bou  
Kibra, i nos ta bai,  
Nos tin un cas trahá sin man  
Nunca esei por cai;  
Lo mi warda e dia, Ward'e anochi pasa,  
Ward'e mainta bini, keda p'eternidad.

## 11. Conta bendicionnan di Bo Dios

Tin bez cu bo carga ta mashá pisá  
I pakiko ta asina bo no sa;  
Conta tur e bendicionnan cu bo tin,  
Lo bo worde sorprendí - nan no tin fin!

Coro:

Conta bendicionnan di Bo Dios,  
Conta tur cu El a duna nos;  
Conta nan - nombra tur di nan;  
Conta tur e bendicionnan di Bo Dios.

Ora bo tin gana pa riquezanan,  
Corda cu Señor tin tur cos den Su man;  
Nunca nos por cumpura cosnan celestial,  
E tin bendicionnan pa nos sin igual.

Ora bo tin duele den bo curazon,  
Ora bo ta pasa door di afliccion,  
Conta tur bo bendicionnan - nombra nan,  
Lo bo mira cu bo no per conta nan.

12. Den Hesus tin consuelo

O, ki dushi ta Su number!  
E ta yena nos cu paz;  
E ta duna nos yudanza,  
E ta duna nos solaz.

Coro:

Den Hesus, nos Señor,  
Tin consuelo pa nos tur;  
E ta nos Salvador,  
E ta warda nos sigur.

Ki bondad tin Hesu-Cristo,  
Pa su yunan, ki amor!  
Si nos sinti tentacionnan,  
Lo e kita nan afor.

O, Cristian cu tin tristeza,  
O, Cristian cu tin dolor,  
Den e number di nos Cristo,  
Tin consuelo pa nos tur.

Na e number di nos Cristo,  
Den e shelu primintí,  
Lo nos hinka nos rudia,  
Lo nos coron! Ele, sí!

13. Dushi Consuelo

Dushi consuelo, dushi amor  
M'a ricibi, sí, di mi Redentor;  
Sí, El a kita tur mi picá,  
I mi ta goza den Su bondad.

Coro: Dushi consuelo, dushi amor,  
Dios ta dunami, un pecador!  
E ta stimami semper mescos,  
E ta yudami biba pa Dios.

Sí, mi ta camna aki den luz,  
Sí, mi ta sinti poder di Hesus;  
I tur mi bida yen di amor  
Semper ta goza den mi Señor.

El a dunami Su proteccion  
Pa Su Spirito den mi curazon;  
Sí, mi por vence tur mi maldad  
I tin pa semper seguridad.

14. Cristo, mi dushi Salvador

1. Cristo, mi dushi Salvador,  
E ta mi paz, mi luz;  
E mes a muestra Su amor  
Muriendo na un cruz;  
Den mi tristes 'E ta pa mi  
Amigo fiel, Consolador,  
Consolador, Amigo fiel, Hesus ta.
2. Cristo, mi dushi Salvador,  
Pa forz'i, Su amor,  
Herida i Su gran dolor  
M'a ricibi pordon;  
Constante dicha lo mi tin,  
Si den presencia di Señor,  
Constante dicha lo mi tin cu Hesus.
3. Cristo, mi dushi Salvador,  
I mi fiel Redentor;  
Mi nunca lo por paga nE  
Su debe di amor;  
Lo mi no teme carg'e cruz,  
Tampoco sali fo'i Su luz;  
Lo mi no teme carg'e cruz di Hesus.
4. Cristo, mi dushi Salvador,  
P'E mes mi ta salba,  
E piedra di eternidad,  
Den cual tin salvacion;  
Constante gozo lo mi tin  
Banda di Cristo, mi Señor;  
Constante gozo lo mi tin cu Hesus.

15. Cristo di Eternidad

Cristo di Eternidad  
Bo ta mi seguridad;  
Na e cruz pa mi picá  
Tur bo bid la ser dramá;  
Sea mi Refugio fiel,  
Cristo di Eternidad.

Aunque mi ta semper fiel  
I m'a haci tur bon cos;  
Bida eterno só por tin  
Pa Bo gracia, O mi Dios;  
Sea mi Refugio fiel,  
Cristo di Eternidad.

Nada den e mundu tin,  
Vanidad ta 'ki sin fin;  
Nos dolor ta vence nos,  
Nos picá ta tur mahos;  
Sea mi Refugio fiel,  
Cristo di Eternidad.

Ora mi ta presenta  
Pa duna mi cuenta 'ya  
Ora mi ta serca Bo  
Mi speranza ei lo ta;  
Sea mi Refugio fiel,  
Cristo di Eternidad.



16. Yuvia bendita

Yuvia bendita pa mundu,  
T'e di promesa di amor;  
Nubia di shelu lo fresca  
Nos pa poder di Señor.

Coro: Yuvia bendita  
Ta loke nos tin mester;  
Gotanan, sí, Dios ta manda,  
Ma ta e yuvia nos kier.

Yuvia bendita pa mundu,  
Lo cai den shelu pa nos;  
Lo corre duru sin para,  
Cu forza l'e hiba nos.

Yuvia bendita pa mundu,  
Mand'e pa nos, O Señor;  
O, lag'e fresca nos alma,  
Yenando nos cu amor.

Yuvia bendita pa mundu,  
Ai, lag'e yobe awor;  
Mientras nos ta adoraBo  
Nos Dios i nos Salvador.

17. Mi curazon, Dios

Mi curazon, Dios, traha den dje,  
Creador Bo ta - mi ta e klei;  
Bo boluntad, sí, semper mi kie  
Cu mi por biba den Bo poder.

Mi curazon, Dios, traha den dje,  
Limpie i yen'e, Maestro, awe;  
Bo stimacion, Dios, pone den mi  
Pa tur e mundu cu ta perdi.

Mi curazon, Dios, traha den dje,  
Kita tur cos di mundu awe,  
Bo tin poder, sí, mand'e awor,  
I lo mi traha pa Bo honor.

Mi curazon, Dios, traha den dje,  
Cu mi por crece mas den Bo fe;  
Mi kie sirbi Bo cu stimacion,  
Toca i cuida mi curazon.

18. Pa mi mes

Mi ta tend'e yuvia fuerte  
Pa Bo man bendicioná,  
Refrescante pa tur alma  
Cu tin sedu di amor;  
Pa mi mes, pa mi mes,  
Laga algo cai pa mi.

No saltami, Tata dushi,  
Aunque mi n' ta digno mes;  
No lagami sin curashi,  
'Nami poco, ai, unbes;  
Ai, un bes, ai, unbes,  
'Nami poco, ai, unbes.

Mi maldadnan a vencemi  
I m'a cai den scuridad;  
Mi ta yen awor di mundu  
I kier drenta claridad;  
Awe mes, awe mes,  
Mi kier drenta claridad.

Batisami, pordonami,  
Recogemi pa amor,  
No lagami sin speranza,  
'Nami awor mes Bo amor;  
Bo amor, Bo amor,  
Tata, 'nami Bo amor!

19. Mas tempo pa Cristo

Mas tempo pa Cristo, mas di Su amor,  
Mas santidad semper, mi Dios i Señor;  
Tur ora cu Cristo pa Su bendicion,  
Mas di Su presencia den mi curazon.

Mas tempo pa Cristo, mas di Su poder,  
Mas santidad semper, O Tata, mi kie  
Cu lo Bo guiami den Bo stimacion,  
Mi kie mas pureza, mas, mas compasion.

Mas tempo pa Cristo, mas di Su bondad,  
Mas santidad semper, mas, mas humildad;  
O, cu mi por haya den tur oracion  
Mas forza divino, mas consagracion.

Mas tempo pa Cristo, cu nE den scondí,  
Mas santidad semper, i mas gradicí,  
Den mi afliccionnan, den tribulacion  
Cu calma lo reina den mi curazon.

20. Mas santidad, Cristo

Mas santidad, Cristo, mas odio pa malu,  
Mas calma den pena, mas haltu ideal;  
Mas fe den mi Cristo, mas consagracion,  
Mas den Bo sirbishu, mas, mas oracion.

Mas di Bo pureza, mas, mas di Bo forza,  
Mas di Bo dominio, mas paz den e cruz,  
Mas rico speranza, mas obra pa Dios,  
Mas ansha pa shelu, mas gozo den cruz.

Mas di Bo pasenshi, mas sabiduria,  
Mas firme pa Cristo, mas fuerte i fiel;  
Mas recto den bida, mas di Bo honor,  
Mas di bo consuelo, mas di Bo amor.

21. Mi bida mi a duna

Mi bida mi a duna  
Pa trece salvacion,  
Cu bo por ta salvá  
I haya mi pordon;  
Mi bida Mi a duna 'ki,  
Bo a duna algo pa Mi?  
Mi bida Mi a duna 'ki,  
Bo a duna algo pa Mi?

Mi Tata tin un cas  
Na shelu leu ayá;  
M'a laga, sí, atras  
E glorianan djaya;  
M'a laga tur atras pa bo,  
Bo a laga algo pa Mi?  
M'a laga tur atras pa bo,  
Bo a laga algo pa Mi?

M'a sufri hopi pa bo  
Por haya libertad;  
Dolor i pena tur Mi  
a carga pa bo maldad;  
M'a sufri pen 'i dolor pa bo,  
Bo a sufri algo pa Mi?  
M'a sufri pen 'i dolor pa bo,  
Bo a sufri algo pa Mi?

22. Mas stimacion, Señor

Mas stimacion, Señor, mas stimacion;  
Tende mi oracion di humildad;  
Sí, ta mi oracion, mas stimacion pa Bo;  
Mas stimacion, mas stimacion.

Gozo di mundu no por duna paz;  
Bo mi ta deseá i Bo solaz;  
Sí, ta mi oracion, mas stimacion pa Bo;  
Mas stimacion, mas stimacion.

Mi curazon awé lo alab' E;  
Mi bida ta duna na Cristo e Rey;  
Sí, ta mi oracion, mas stimacion pa Bo;  
Mas stimacion, mas stimacion.

23. Mi Hesus, mi ta stimabo

O Cristo, mi amigo, Bo ta mi Señor,  
Bo amor tan profundo pa un pecador;  
O Cristo, precioso, ta mi Redentor;  
Hesus, mi Amigo, ta mi Guiador.

Coro: Cristo, Cristo, nomber stimá;  
E nomber di Cristo,  
E Yu di Dios stimá.

O Cristo, mi Amigo, mi ta recordá  
Bo amor na Calvario pa kita picá;  
Pa mi Bo a sufri, Bo sanger dramá,  
Hesus, mi Amigo, Bo ta mi stimá.

O Cristo, mi Amigo, mi bida tum'e,  
Mi sí ta stimaBo, stimaBo awé;  
O Cristo precioso, dunami mas fe,  
Hesus, mi Amigo, Maestro i Rey.



24. Mas serca Bo, mi Dios.

Mas serca Bo, mi Dios,  
Mas serca Bo;  
Aunque lo ta un cruz  
Cu t' alzami so.

Coro : Mas serca Bo, mi Dios,  
Mas serca Bo, Hesus;  
Limpia mi curazon,  
Yen'e cu Bo luz.

Bo ta mi Salvador,  
Bo ta di mi;  
Lo mi no tin tempr  
Si Bo ta cu mi.

Bo ta mi Wardador,  
Bo ta cu mi;  
Bo ta mi Guiador,  
Den e mundu aki.

25. Mas di Hesus

Mas di Hesus Su bendicion,  
Mas di Su gracia i pordon;  
Mas di Su dushi compasion,  
Mas di su santu stimacion.

Coro:

Mas, mas mi kier stim'E,  
Mas, mas mi kier siña;  
Mas di Su dushi compasion,  
Mas di Su santu stimacion.

Mas mi kier sigui mi Hesus,  
Mas mi kier camna den Su luz;  
Mas di Su gran rikesanan,  
Mas di Su bon promesanan.

Mas di Hesus, mas oracion,  
Mas serca Dje den comunion;  
Mas di Su santu boluntad,  
Mas di Su gozo i bondad.

26. Mas blancu cu sneeuw

Hesus, mi ta bini, mi n' por resistí,  
Mi kier pa Bo semper bin biba den mi;  
Limpia mi picánan, Bo só por yuda;  
Labami - mas blancu cu sneeuw lo mi ta.

Coro:

Mas blancu, sí, cu sneeuw lo mi ta;  
Labá den Bo sanger lo mi ta salbá.

Den mi alma malo Bo n' por ta Señor,  
Limpie cu Bo sanger, yen'e cu amor;  
Tur cos cu ta falso - kita tur afó;  
Awor mi ta sigui Hesus, mi Señor!

O Cristo, yudami pa biba den luz,  
Dunami awor Bo poder, mi Hesus;  
Awor mi ta duna tur loke mi ta;  
Tur loke mi tin mi ta bai consagrá.

Mirami, Hesus, di Bo trono di luz;  
Yudami pa semper pa carga Bo cruz;  
Na tur cu ta bini pa pidi pordon  
Bo semper ta duna un bon curazon.

27. Mi kie sigui Cristo

Cos di mundu ta yamami,  
Mi kie sigui Cristo;  
Mundu lo no dominami,  
Mi kie sigui Cristo.

Coro: Mi kie sigui mi Señor,  
Semper dun'e tur honor;  
Mi kie sigui E awor,  
Mi kie sigui Cristo.

Tur camina te na shelu  
Mi kie sigui Cristo;  
Mi kie conta hend' e storia,  
Mi kie sigui Cristo.

Algun dia lo mi mir'E,  
Mi kie sigui Cristo;  
Mi kie semper agrad'ele,  
Mi kie sigui Cristo.

28. HEROENAN DI CRISTO

HEROENAN DI CRISTO, CLA PA MARCHA 'WOR  
HIBA CRUZ DI CRISTO, CU T'E DI HONOR!  
CRISTO COMANDANDO, TRIUNFO TA SIGUR,  
PRINCIPIÁ BATAYA, CONFIA RIBA DIOS.

CORO:

HEROENAN DI CRISTO, CLA PA MARCHA 'WOR;  
HIBA CRUZ DI CRISTO, CU T'E DI HONOR.

TA MESCOS CU 'N TROPA, CAS DI DIOS TA MUF;  
BON WARDÁ PA CRISTO, NOS LO PROGRESA;  
BON NA ARMONIA, TUR MARÁ DEN FE,  
UN DEN NOS SPERANZA, TUR PA CARIDAD.

TRONONAN POR BOLTER, REYNAN MES POR CAI,  
CRISTO SU IGLESIA, NUNCA SI LO CAI;  
SATANAS I FIERNO, TUR LO SUCUMBI;  
CRISTO SU PROMESA, NO SA VASILA.

29. LANTA PA CRISTO

LANTA PA CRISTO, SOLDANAN TUR DI CRUZ  
HIZ'E REAL BANDERA, BANDERA DI HESUS!  
VICTORIA T'E CONSUELO, SU TROPA L'E MES MANDA  
TE ORA GUERA CABA, CU CRISTO VENCEDOR.

LANTA, LANTA PA CRISTO, SIGUI SU ORDU BON,  
SIN MIEDO PADILANTI, LO BO TIN BENDICION!  
NA TUR DEN SU SIRBISHI, PA ENFRENTA BATAYA,  
CURASHI! PADILANTI! TUR FORZA BON UNI.

LANTA, LANTA PA CRISTO, CONFIA DEN BO SEÑOR,  
SI BRAZ'I CARNI FAYA, CONFIA DEN SALBADOR!  
O, SIGUI EVANGELIO, CU ORACION FERVIENTE,  
DEN CASO DI PELIGRO, DEN DIOS BO TIN PODER!

LANTA, LANTA PA CRISTO, DEN TUR BO LUCHANAN,  
AWE BATAYA FUERTE, VICTORIA PA MAÑAN;  
I TUR E VENCEDORNAN, LO RICIBI MEDAYA,  
DEN REINO I DEN GLORIA, PA SEMPER NAN LO BAI.

30. Mi Señor ta na mi lado

Mi Señor ta na mi lado,  
E ta mi bon Wardador;  
E ta mi divino Guia,  
Mi n' por duda Su amor;  
Paz di shelu E ta duna,  
Su consuelo i pordon;  
Nunca E lo bandonami, )  
E ta haci tur cos bon. ) 2x

Mi Señor ta na mi lado  
Semper cu su bendicion;  
Pa Su gracia E ta yuda  
Den tur or'i afliccion;  
Aunque mundu nò por yuda,  
I mi alma sedu tin;  
Su Spiritu pur'i santo, )  
Ta un fuente cla sin fin. ) 2x

Mi señor ta na mi lado,  
E ta mi Consolador;  
Su descanso den mi alma,  
Prenda ta di gloria awor;  
Ora mi ta laga mundu  
Pa su shelu mas ayá  
Lo canta di Esun cu )  
Na mi lado semper ta. ) 2x

31. O, Cristo Sufriendo

O, Cristo sufriendo  
Ki duru Bo dolor;  
Ki grandi un insulto  
Bo a carga, mi Señor!  
Corona di sumpiña  
Awor ta herida  
Cabez dje Rey di Reynan,  
Pa Dios mes coroná.

O, Cristo sufriendo  
Bo a carga tur pa mi,  
Castigo di picánan  
Hací pa mi aki;  
Mi tin di gradicibo,  
Mi Dios i Salvador,  
I semper di sirbibo  
Fiel i yen di amor.



32. Riba cruz leu aya

Riba cruz leu aya hopi aña pasá  
A muri nos gran Sálbador;  
Nan a clab 'E na cruz,  
Nos gran Cristo Hesus;  
El a muri pa tur pecador.

Coro:

Lo mi corda e cruz di Señor,  
Mi n' por lubida Su gran amor;  
Lo mi corda e cruz di Señor,  
Lo mi biba pa mi Redentor.

Sanger di nos Hesus, sí,  
dramá rib' e cruz,  
Ta laba nos di tur picá;  
Si nos kere den Dje,  
I si nos t'accept 'E  
Anto tur di nos por ta salbá.

39. Recuerdo dje cruz

Ki dushi ta, Señor Hesus,  
Recuerdo di Bo stimacion;  
B'a sufri anshanan di cruz  
Pa nos por haya salvacion.

Pa nos B'a carg' e cruz pisá,  
Pa nos B'a worde maltratá,  
Pa nos Bo tabata anshá,  
I pa Dios Tata bandoná.

P'esei recuerdo di Bo cruz,  
Consuelo ta den afliccion;  
P'esei pa semper, O Hesus,  
Nos t' alaba Bo stimacion.

34. Rey di mi bida

Rey di mi bida Cristo ta,  
Lo mi dun'e honor;  
E cu a muri na e cruz  
Ta mi gran Salvador.

Coro!

Lo mi no lubidá, Señor,  
Cu Bo a sufrí den dolor;  
Lo mi no lubidá Bo amor,  
Guiami cu bo man.

Mustra na mi e graf bashí  
Cristo a lanta, sí;  
I nos por vence tur picá  
Pa Su poder aki.

Dunami forza i poder  
Pa biba fiel pa Bo;  
Den afliccion of bendicion,  
Mi kie sigui Bo so.

Cristo, awor mes mi ta bin  
Cu tur mi bida, sí;  
Tum'e usus'e pa Bo mes  
Den bo trabou aki.

35. O, Cristo ta mi Salvador

O, mi tin un gran cambio den mi curazon  
O, Cristo ta mi Salvador;  
Tin un luz den mi alma cu ta mashá bon,  
O, Cristo ta mi Salvador.

Coro: O, Cristo ta mi Salvador,  
O, Cristo ta mi Salvador;  
Mi tin gozo i paz  
I mi tin gran solaz;  
O, Cristo ta mi Salvador.

Lo mi hiba un bida diferente awor,  
O, Cristo ta mi Salvador;  
Mi picánan a worde kitá den amor,  
O, Cristo ta mi Salvador.

Mi speranza ta grandi, ta firm 'i sigur  
O, Cristo ta mi Salvador;  
Nunca mas mi camina lo ta muchu scur,  
O, Cristo ta mi Salvador.

Tin un luz den e valle di morto pa mi,  
O Cristo ta mi Salvador;  
I e porta dje stad celestial ta habrí,  
O, Cristo ta mi Salvador.

36. Habri porta awe.

HesuCristo ta para na bo curazon,  
E ta pidibo habri e porta awe;  
Hopi bez El a yama - o haya pordon,  
I habri porta awe.

Coro: Habri porta awe,  
Habri porta awe;  
Sí, paz lo bo haya  
Den bo curazon;  
O, habri porta awe.

El a baha fo'i shelu pa nos salvacion,  
I su nomber ta Cristo,  
nos Dios i nos Rey,  
E ta salba i duna nos Su bendicion,  
O, habri porta awe.

Den bo curazon Cristo ta pidi lugá,  
E kie luza camina di bo scuridad;  
I na fin di bo bida lo bo tin lugá  
Na shelu pa eternidad.

37. Laga mundu i sigui Cristo

Laga mundu i sigui Cristo,  
Nos t'aki pa proclama  
Cu e amor, amor precioso  
Pa eternidad lo ta.

Coro: O, Su gran misericordia  
O, Su gran amor pa mi!  
Cristo a duna bid' eterno  
I mi tin Su paz aki.

Laga mundu i sigui Cristo,  
Fe i paz mi alma tin;  
Mi por canta den tristeza  
Aunque penanan ta bin.

Laga mundu i sigui Cristo,  
Su sonrisa ta pa mi;  
E ta luza mi camina  
Den e mundu tur perdí.

Laga mundu i sigui Cristo,  
E cu a muri na e cruz;  
I un dia lo nos goza  
Den su reino i Su luz.

38. Bai serca Cristo

Bai serca Cristo sin demora,  
Ken serca nos awor mes E ta;  
E ta yamabo, no bai patras,  
Tende E yama: "Bin"!

Coro: O, ki gozo den eternidad,  
Nos lo biba liber di maldad!  
Cu tur nos alma yen di amor  
Na kas di nos Señor!

Corda cu Cristo tin tur poder  
Pa pordonabo tur bo maldad;  
I como Cristo ta meen bo bon  
E ta yamabo: "bin"!

Scucha Su orden sin vasilá  
I accepta di Dje Su amor;  
Kisas mañan no tin ocasion  
Bai, bai, no keda 'tras.

39. No, ni un

No, tin amigo igual cu Cristo,  
No, ni un; no, ni un;  
Un cu por libra nos di picá,  
No, ni un; no, ni un.

Coro: Cristo, sí, sabi tur nos pena,  
E lo guia nos te na fin;  
No tin amigo igual cu Cristo,  
No, ni un; no, ni un.

Por tin un otro mas fiel cu Cristo?  
No, ni un; no, ni un;  
Otro amigo por stima tanto?  
No, ni un; no, ni un.

Por tin momento ku e n' ta serca?  
No, ni un; no, ni un.  
Por tin amor cu ta tan constante?  
No, ni un; no, ni un.

Por tin regalo manera Cristo?  
No, ni un; no, ni un;  
Cristo lo nenga esnan salbá?  
No, ni un; no, ni un.



40. Hesus, atami

Hesus, atami, cu tur mi picá,  
Pasobra Bo sanger a ser dramá  
Na e cruz, cu mi alma por ta salbá,  
O Lamchi di Dios, atami aki.

Hesus, atami, mi n' por spera mas,  
Mi alma flihi, sin luz, sin paz,  
Awor mi ta pidi lugá den bo cas,  
O, Lamchi di Dios, atami aki.

Hesus, atami, mi n' kie bai perdí,  
Mi sa cu Bo tin amor pa mi;  
Bo amor no mas mi n' por resistí,  
O, Lamchi di Dios, atami aki.

Hesus, atami, pa ricibi,  
E bida eterno ofrecí,  
E salvacion pa mi cumpli,  
O, Lamchi di Dios, atami aki.

Hesus, atami, i mi curazon  
Ta confia den Bo pa Bo pordon;  
Awor mi alma ta sinti bon;  
O, Lamchi di Dios, atami aki.

41. No saltami

Ande . . .

No saltami, lubidami,  
Amor Tata Salbador;  
Mira at ro Ma dunami Bo clemencia,  
Tende pa fabor . . .

Nare trono di Bo gracia  
Lo mi haya paz;  
Serca Bo mitin yudanza;  
Manda Bo solaz . . .

Mita falta Bo bondadnan  
Pa mimirá luz;  
Ai, sacami di maldadnan,  
Tende, mi Hesus! . . .

Fuente bibo di consuelo,  
Bo ta mi Señor;  
Ta Bo só ta mi Amigo,  
Mi bon Salbador . . .

Coro: Cristo, Cristo  
Tende, mi Señor;  
O, Señor, dunami gracia  
Tende pa fabor . . .

42. Bo a nace di nos Dios?

Un rico a presenta serca Hesus  
Haciend'E pregunta pa su salvacion;  
Hesus contestand'le a puntra bon cla:  
"Bo a nace di nos Dios?"

Coro:

Bo a nace di nos Dios?

Bo a nace di nos Dios?

Tende, di berdad, mi ta puntra awor:

"Bo a nace di nos Dios?"

O, scucha mi yu e conseho di Dios  
Cu a sali solemne fo'i lip di Señor,  
No sea malvado, ma tende Su boz:  
"Bo a nace di nos Dios?"

En caso bo kier mira luz di berdad  
I goza den shelu pa eternidad,  
Bo a obedece Su Palabra na nos?  
"Bo a nace di nos Dios?"

Encuentro precioso den gloria aya  
Cu tur nos queridonan cu ta salbá;  
Ta invita nos pa nos scucha su boz:  
"Bo a nace di nos Dios?"

43. Cristo ta yamabo

Cristo ta yamabo na cas,  
Bai awe mes, bai, bai unbez;  
No sigui vaga den bo scuridad,  
No sigui drief bai mas leu.

Coro: Bai awe mes, bai, bai unbez;  
Cristo ta yama,  
Ta yama pa bo awe mes.

Cristo ta yama esnan fatigá,  
Bai awe mes, bai, bai unbez;  
Troca bo carga pa su bendicion,  
Lo bo ta bon ricibí.

Cristo ta spera awor riba bo,  
Sperando bo, bai serca Dje;  
Deposita na Su cruz bo picá  
Sin dilacion awe mes.

Cristo ta pidi pa bo, pecador,  
Tende su boz, pidi pa nos;  
Tur cu ta tende lo regocihá,  
Nan lo tin paz den Señor.

44. Bon persuadido

Bon persuadido di mi maldad,  
I convencido di Su bondad;  
Un boz ta zona leu, bai alma, bai unbez,  
Si bo kier haya mes bo salvacion.

Bon persuadido, bai, bai awor!  
I convencido di Su amor;  
Cristo, bo Salvador, ta invitabo: "Bin",  
No para vasilá, bai, bai unbez!

Bon persuadido di bo pordon,  
I convencido cu no ta laat;  
No nenga Su amor i perdo bo bon chens  
Pa ricibi pordon promé ta laat.

45. E ta yamabo: "Bin cas".

Cu gran pasenshi Hesus ta yamabo,  
Ta yama: "Bin serca Mi",  
Bida eterno ta Su gran regalo,  
Bida pa bo i pa mi.

Coro: Bin cas, bin cas,  
Tur cu ta sinti cansá;  
Cu gran pasenshi Hesus ta yamabo  
E ta yamabo: "Bin cas".

No tin motibo pa bo sigui tarda,  
Cristo ta warda, o sí;  
No tin motibo pa falta Su gracia,  
Gracia pa bo i pa mi.

Tempo ta bula, nos bida ta pasa,  
Pronto nos lo no t'kaki;  
Morto ta bin na tur hende sin falta,  
Morto pa bo i pa mi.

Ki grandi ta e amor di nos Cristo,  
Amor pa bo i pa mi.  
Su gran pordon ta pa tur bo picánan,  
Pordon pa bo i pa mi.

46. Bini awor

in side of it

Scuchale boz di e Wardador,  
E kier dunabo proteccion,  
Bo t'e carné cu a dwal fo'i dje  
Den mondi sin cuminda bon.

Coro: Bini awor serca djE,  
Bini serca Bo wardador,  
Bini awor serca djE,  
Bini serca nos Cristo.

Ken lo bai yuda trece nan?  
Nan Wardador ta stima nan;  
Nan a bai leu fo'i nan kurá,  
Nan ta perdi den scuridad.

Den e desierto nan a bai,  
Riba tur seru nan a dwal;  
Scuchá nan boz ta grita leu,  
O, trece nan den Su curá.

47. E ta stimami

Hesu Cristo ta mi Dios,  
E ta stima tur mescos;  
Tur chikito ta di djE,  
Tambe laga nos stim'E.

Coro:

E ta stimami, E ta stimami,  
E ta stimami, E ta mi Salvador.

El a muri na e cruz,  
Pa salbami, mi Hesus!  
Si mi t' accept' E aki  
Lo e biba den di mi.

Mi Hesus, mi no ta bon,  
Limpia tur mi curazon;  
Hacié bon, O mi Señor,  
Yen'e bon cu bo amor!

Na e shelu lo mi ta,  
Den Hesus mi ta salbá;  
Lo mi biba cu mi Dios,  
Lo mi goza tur bon cos!



48. HOSANNA

A SOCEDE UN DIA, NA STAD BON CONOCI  
TUR HENDE MESTER SALI PA WORDE INSCRIBI;  
JOSE CU FIEL MARIA A BAI NA BETHLEHEM;  
CRISTO HESUS, E SALBADOR, A NACE NA BELEN,  
CRISTO HESUS, E SALBADOR, A NACE NA BELEN.

HOSANNA, HOSANNA!

GLORIA NA NOS SEÑOR;

HOSANNA, HOSANNA!

HESUS TA NOS REDENTOR!

E WARDADORNAN DI CARNÉ A BAI PA ADOR'E;  
SABIONAN A TRECE REGALONAN P'E REY;  
E YIU DI DIOS DUNÁ PA NOS A WORDE ENTREGÁ  
PA E MURI NA CALVARIO PA KITA NOS PICÁ  
HESUS, NOS SALBADOR STIMÁ, SU SANGER A SER DRAMÁ.

HOSANNA; HOSANNA, etc.

AWE NOS TIN SU SALBACION TUR CLA PA RICIBI  
UN BIDA YEN DI GOZO AWOR TA OFRECI;  
SU GRAN AMOR TA DUSHI, SI,  
BO N' TIN DI BAI PERDI;  
BIN PONE TUR CONFIANZA DEN DIOS SU YIU NACI;  
E TIN PORDON PA EO AKI, ESEI TA PRIMINTI;  
BIN PONE TUR CONFIANZA DEN DIOS SU YIU NACI;  
BIN PONE TUR CONFIANZA DEN DIOS SU YIU NACI.

HOSANNA, HOSANNA, GLORIA NA NOS SEÑOR;  
HOSANNA, HOSANNA, HESUS TA NOS SALBADOR;  
HOSANNA, HOSANNA, HESUS TA NOS SALBADOR.

49. Si mi gana tur m'a perde Cristo

Si mi gana tur m'a perde Cristo,  
Si mi n' tin speranza di ta cla,  
Cosnan mundanal lo pasa semper,  
Con mi curazon por alegrá?  
Si mi gana tur m'a perde Cristo,  
Lo mi bida 'ki ta cu balor?  
Tur placernan cu ta di e mundu  
No por conta pa un pecador.

Si mi tin rikeza i bon fama  
I un nomber grandi, conocí,  
Ma mi bida ta sin siguranza  
Di e shelu cu ta primintí;  
Si mi gana tur m'a perde Cristo,  
Ken a muri pa mi salvacion  
Tur e biennan cu ta den e mundu  
No por alegra mi curazon.

O, ki gozo cu mi tin den Cristo,  
E ta mi speranza i Señor;  
Lo E pordonabo i yudabo,  
E ta semper e gran Salvador.  
Si bo gana tur m'a perde Cristo,  
Bo lo perd'E pa eternidad;  
Bin i pone tur bo confianza  
Den Hesus nos Salvador stimá

50. LANTA, LANTA PA CRISTO

LANTA, LANTA PA CRISTO, SOLDANAN TUR DI CRUZ,  
HIS'E REAL BANDERA, BANDERA DI HESUS!  
VICTORIA T'E CONSUELO, NOS GUIA TA SEÑOR,  
TE ORA GUERA CABA CU CRISTO VENCEDOR;  
LANTA PA CRISTO, SOLDANAN TUR DI CRUZ,  
HIS'E REAL BANDERA,  
BANDERA, BANDERA TUR DI LUZ!

LANTA, LANTA PA CRISTO, SIGUI SU ORDU BON,  
SIN MIEDO PADILANTI, LO BO TIN BENDICION!  
NA TUR DEN SU SIRBIŠI, VICTORIA TA SIGUR,  
CURASHI! PADILANTI! TUR FORZA BON UNI;  
LANTA PA CRISTO, SIGUI SU ORDU BON,  
SIN MIEDO, PADILANTI,  
LO BO TIN, LO BO TIN BENDICION.

LANTA, LANTA PA CRISTO, CONFIA DEN BO SEÑOR,  
SI BRAZ'I CARNI FAYA, CONFIA DEN SALBADOR!  
O, SIGUI EVANGELIO CU CRAZON LIHE,  
DEN CASO DI PELIGRO, DEN DIOS NOS TIN PODER!  
LANTA PA CRISTO, CONFIA DEN BO SEÑOR,  
SI BRAZ'I CARNI FAYA  
CONFIA DEN, CONFIA DEN SALBADOR!

LANTA, LANTA PA CRISTO DEN TUR BO LUCHANAN,  
AWE BATAYA FUERTE, VICTORIA PA MAÑAN;  
I TUR E VENCEDORNAN LO RICIBI HONOR,  
DEN REINO I DEN GLORIA PA SEMPER NAN LO BAI;  
LANTA PA CRISTO DEN TUR BO LUCHANAN,  
AWE BATAYA FUERTE,  
VICTORIA, VICTORIA PA MAÑAN!

